

TIMBAL (Anthoine), notaire de Villemur, minutes 1602-1607, Archives départementales de la Haute-Garonne, cote 3E 26890, f° IIIcXXV, PH/JCHR/5165.

(...)

testament de Jean
fayet forgeron du terme

.....

iiii^cxxvi

Au nom de dieu sçaichent tous p(resa)ns &
advenir que **l an Mil six cens sept** et le **dixseptie(sme)** jo(u)r
du mois de **May** regnant n(ot)re souverain prince henry quatrie(sme)
de ce nom par la grace de dieu roy de france & de na(var)re / **Au**
lieu du terme & dans la ma(is)on du testate(ur) bas nomme
dioceze de Montauban & sen(echau)cee de th(ou)l(ous)e pardevant moy
Anthoine timbal not(air)e royal de villemur soubs(sig)ne aprez
midy A esté en personne **Jean fayet forgeron** dud(it) lieu
du terme lequel gisant dans un lict en une salle
basse de sa ma(is)on dettenu de certaine maladye corporelle
estant neantmoins en ses bons sens jugement memoire
& cognoissance bien parlant oyant & voyant. Lequel
prenant son indisposi(ti)on & maladye po(u)r un advertissement
q(ue) dieu luy envoye de se souvenir e(t)()recoignoistre q(u'i)l n'a
ceste vye qu'avec condi(ti)on de mourir et que l heure
de la mort no(u)s est autant incertaine q(ue) no(u)s sommes certains
ne la pouvoir esviter. A Ceste cause desirant estre
preparé & disposé quand Il plaira a dieu l appeller
Et qu apres son deces Il n()y ayt entre les sciens debat
ny different po(u)r ra(is)on des biens que dieu luy a donnés en ce
monde de son bon gré pure e(t)()franche volonté non
seduict ny suborné A faict conduit & ordonné son testament
& derniere dispo(siti)on en la forme & maniere q(ue) s ensuit
Premiere(men)t led(it) testate(ur) a recommandé son ame a
dieu le pere tout puissant Le suppliant tres humblement
au nom e(t)()par le merite mort e(t)()passion de son filz Jezus

.....

Christ n(ot)re seul sauve(ur) e(t)()redempte(ur) luy vouloir f(air)e pardon
& misericorde & la recevoir & colloquer apres ceste vye en
son paradis e(t)()royaume celeste ./ Et veult & ordonne led(it)
testate(ur) que son corps apres la separa(ti)on de l ame soit ensevely
au Cimetiere dud(it) lieu du terme et que son enterement

e(t)()funerailles luy soient faictes a la discrection de ses h(eriti)ers
h(eriti)ers bas nommes ou de l administratresse & tuteurresse q(ue) cy
après. Il le(ur) ordonne. Item a dict & declaré led(it) testate(ur)
q(ue) jamme (*ou jacme*) des ambolas labo(u)r(eur) de Manhanac luy est
debit(eur) e(t)()redevable en un sac bled & trois livres argent
de prest q(u'i)l luy a faict du bled & l argent po(u)r vente
d un *sayn* (?) de pourceau Si luy doit encore oultre ce de
l aguisaige q(u'i)l a faict en sa forge six rases seigle le tout
a mesure de villemur Sur()quoy veult q(ue)()luy soit precompte
un sac avoine q(u'i)l a decl(air)e avoir receu dud(it) ambolas comme
aussi a declaire q(ue) un nomme Jean de Gibert Jadis bordier
de George arnauld a manhanac luy doit quatre emines
& demye mixture aussi po(u)r le reillage & aiguisaige par
luy faict en sa forge. Item Guill(aum)e sorbyé boryé de m(onsieu)r
brucelles en un sac bled / Jean d(it) Verdoulet aussi
mettayer d()icell(uy) s(ieu)r brucelles en *deux* (->*ce mot surchargé*) rase bled ./ le Metteyer
de la palme fre(re) dud(it) verdoulet en cinq rases bled plus
un nomme Jean bordy de la mette(rie) des h(eriti)ers de feu
Carles en cinq pu(nier)es (?) bled. Item le mettayer de l()an
passe de la mette(rie) q(ue) l()hospital de villemur a a manhanac
luy doit deux sacz seigle le tout a mesure de villemur
et iceulz debtes provenir du reillage & aguisaige par led(it)
testate(ur) fait des harnois aratoires davantage luy doit
hugues d(it) salut de longuenause de prest fait six sacs

.....

iiii^cxxvii

mixture a lad(ite) mesure declarant estre le terme de paye(ment)
de tout ce dessus escheu e(t)()passé Item veult &
ordonne led(it) testate(ur) que **jeanne** e(t)()**ramonde fayettes**
ses filles legitimes & naturelles & **de Jeanne delmas**
sa femme soient nourries & entretenues sur ses biens
& heredité jusques a ce que seront en aage de se
colloquer en mariage Et po(u)r lors veult que le(ur)
soit payé a ch(ac)une d icelles par ses h(eriti)ers bas nommes
la somme de soixante livres t(ournoi)s ensemble une robe
drap blanc du pays aussi po(u)r ch(ac)une laquelle som(me)
de soixante livres & lad(ite) robe led(it) testate(ur) donne & legu(e)
a ch(ac)une desd(ites) Jeanne e(t)()ramonde fayettes po(u)r tout droict d()institu(tion)
& heredit(aire) portion et q(ue) moyennant ce ne puissent
rein plus demander en ses biens & heredité / Et en
tous & ch(ac)uns ses biens m(e)ubles imm(e)ubles droictz vois
noms & actions ou que soient & luy puissent appartenir
led(it) test(ateur) a faictz e(t)()institués et de sa propre bouche
nommes ses h(eriti)ers universelz & g(ene)rauls sçavoir est

Berengui e(t)() **raymond fayetz ses filz** legitimes & naturels
& **de lad(ite) delmas** sa femme a partager entreuls par
esgalles partz e(t)() portions veult & ordonne q(ue)
icelle delmas le(ur) mere aye le regime & tutelle tant
de sesd(is) h(eriti)ers q(ue) de sesd(ites) filles q(ue)lle les nourrisse
gouverne & entretienne ensemble(men)t et qu()elle aye l() administra(ti)on
& gouvernement de leurs biens et ce tenant vye
viduelle & honneste voulant & ordonnant aussi que
sad(ite) femme faisant lad(ite) administra(ti)on & vivant viduellement

.....
aye sa nourriture & entretien sur sesd(its) biens & heredité suivant
sa qualite e(t)() faculte d() iceuls et ce dessus led(it) testate(ur)
dict estre son testament & derniere dispo(siti)on lequel
veult q(ue) vaille & soit valable par droict de testament
nuncupatif Ou par droict de codicille ou donna(ti)on faicte
a case de mort et par tout au(tr)e droict forme uz
stil & coustume q(ue) pourra mieuls valloir Cassant
revocquant et annullant tous au(tr)es testemens codicilles
donna(ti)ons par luy faictz affin q(ue) le p(rese)nt soit
a son plain & entier effect Si a pries les tesmoings bas
nommes q(u'i)l a recogneus & nommes de son p(rese)nt testament
estre memoratif po(u)r en porter temoignage de verite quand
besoin sera et a moy d(it) not(air)e me requie luy en retenir
instrument Ce que luy ay accordé faict e(t)() recite en presence
de m(aîtr)e pier(re) coderc appo(ticai)re de villemur soubs(sig)ne raymond
soulenoi de nuic jean navech cousturier gaillard esquie
anthoine riviere travailleurs anth(oin)e brard natif du born (? Dans le pli)
jean sanarets anth(oin)e fontanyé brassiers andre
fradiel forgeron ne scachant escrire ny led(it) testate(ur)

(Suivent les signatures)

P Coderc present

Timbal not(air)e